

## BISMI LAAHI RAHMAANI RAHIIMI

31-9-1963

"Sayfu Laahi"

1. Bismi Laahi may deeti fiaan Buur Laahu "bi jaahil Imaam"  
Rabbi dollil say ngénéél, ak say ndimmël, ak say "kiraam"
2. Noo ngi lay fiaan sax ci limaam, ak ci Lislām Rabbanaa  
Ak ci lihsaan boolé kook xéewël yu jëm "yawmal xiyaam"
3. Rabbi dollil diine Lislām sam ndimmël "antal kariim"  
Yàl na not mbooleem lu juuyook moom "fii jamiihil anaam"
4. Diiné Lislām am na ay jëwrin yu koy yor "kulla hiin"  
Yàlla moo leen tànn mey leen wóolu leen jox leen salaam
5. Ñooy fii kay wooteel ci par tééméeri at loolooy la siiw  
Boppu tééméeri at yu ne lay am "ila yawmal xiyaam"
6. Mahdiyoooy seen njiit bu leen bañ baayu Isaa ak Manjoon  
moo fi feeñ fii "rahsi aazal xarnu" mooy Seydil Imaam
7. Ahlu laay ñoom lañu jagleel xeeti mey ñoo am ngénéél  
kepp kuy sàkkooti xéewël jàpp leen ñoo am màqaam
8. Waaju leen méngóó di nay am ndam èlèk "yawmal xiyaam"  
waaju leen bañ mbaa mu xas leen alku dotul doon "allaam"
9. Gaañi nan seetaat sunuy xamxam te settantal bu baax  
ndax ñu xam kan moodi woon Maadiyu miy njiitël "Anaam"
10. At ma bidéew booba feeñoon àndakub laar moodi woon  
Tektalub Mahdiyu cik feeñam bu leen juum mooy allaam
11. Yaw yërël tééré bu ñuy wax "Al Isaaha fii bayaan"  
"Sarti saaha" koon nga gis lii muy lu wér "duunal wa haam"
12. Maam Limaamo feeñ ca Yoof woo leen ni leen maay Mahdiyul  
Muntasar maay ndawli ñew leen seetsi maay "samsul anaam"
13. "Ajibuu daahiya Laahi" mooy baat ba Baay Laay woote muy  
Baat ba Yonnen wooye woon waa Makka ak wa "ahlu Saam"
14. Daal di leen jox baatu tawhiid baatu lixlaas loolu mooy  
Baatub "laa ilaaha illa Laahu" gëm "xayrul anaam"
15. Laa ilaaha illa Laaha, laa ilaaha illa Laahu  
Laa ilaahu illa Laaha Limaamu yaay Seydil anaam
16. Yàlla daal kay jox ngénéélam boole kook ay "muhjisaat"  
mooy la ñuy xammee ndawal Buur Laahu miy "Rabbul anaam"
17. Daan na èf nit kooka dib niiw saayu soobee maam Libaas  
Yiir ka kaalaam waaja jog naa maa nga woon "yawmal xiyaam"
18. Mos na ràndal gééj ba tey gééj weesuwal réddëm wa mooy  
"Seydi aazal jinsi" yow kay la nu doon xaar yaa Imaam

19. Mooy ba gééj feesee te feesal néégi waa kër Maam Libaas  
Ba mu feree Baay Laaya jóg àndak ña gëm Seydil Imaam
20. Dem tefes rëddëw rëddëm naa gééj gi dootul jàlla fii  
Yééna dul xam waaye gééj gii xam na maay kan “fil anaam”
21. Ker ba noonam yoo ya peegee Njiin la leen wax moodi kan  
Munga naan maay ndawli, maay Mahdiyu, maay “samsul anaam”
22. Saayu soobee Yàll muy woo ruuhu Baay Laay jàpp leen  
Seydi Isaa Ruuhu Rahmaan mooy donay Seydil Imaam
23. Daan na ñef kéémaan di waxloo waaju jàngul sol ko muy  
jànga xur-aan, mba di wax xamxam ni aalim juy “allaam”
24. Mos na dekkal waaju dee laajal ña teewoon ker ba góór  
guñu naa Mbay Silla faatoo ñépp took tey xaar Limaam
25. Maam Libaas ñëw daldi woo Mbay munka naa yaa Baabakar  
“Xum bi isni Laahi Rabbil Arsi” miy Rabbul anaam
26. Baabakar jóg naa ka yow Seydil basar yaay Mahdiyul  
Muntasar, man maaka xam ndax maa nga woon “yaw mal xiyaam”
27. Doonté ñef kéémaan di nay tax nit di gëm koon ñépp gëm  
Maam Limaamu Laahi ngir moom daan na wax laaj leen karaam
28. Boo ñëwee ngir laajsi Baay Laay wax la mbooleem say xalaat  
yoo naroon laaj ak yeneen loo doon xalaat “duunal kalaam”
29. Jéémë lim xarbaaxi Njiin ak duusi gééj ñoo bakk yam  
Doy na cee wax gééj ga neexoon ngir di jooy Seydil Imaam
30. Ker ba Baay Laay ruu ga tàgoo “ahlu dunyaa” jëm jinaan  
Gééj yëngóotul ngir di jooy Njiin, ndox ma neex ngir gëm Limaam
31. Gééj ga faf ñeex tambalee kër Maam Libaas yam Jàmma laay  
Ñii di fóót, ñiy sàngu, ñiy naan, ñetti fan “duunan siraam”
32. Fan ya gééj am ndox ma neex mooy fan ya ruuhuk Maam Libaas  
Nekkatul biir jëmme Baay Laay ken robul Seydil Imaam
33. Ngir ngëlëmtéék jaaxle, ñii ne ngir nga doon xaar Ruhu Laahi  
Seydi Isaa Ruuhu Rahmaan miy donay Seydil Imaam
34. Fekk baayub Abdulaay miy Seydi Isaa Ruuhu Laahi  
dem kajor fii bayti Maamur lañ ka wax faatu Limaam
35. Ruuh ga moo ñef jantu njolloor suux ci Isaa Ruuhu Laahi  
Seydi Isaa Ruuhu Rahmaan xéy di “samsan fiil anaam”
36. Seydi Isaa ñëw nuyyóók mbooloo ma waar leen xol ya giif  
Ruhu Rahmaan dem jullée Njiin yeesalaat mbooleem “lanaam”
37. Ñoo ne woon Mahdiyu Isaay doon jaraafam moodi doon  
Naayibam moo kay jullée lii am na ñëw leen seet Limaam

38. Gaañi ñew leen gëstu waat diinéem te seetaat koon di ngeen  
Xam ni Baay Laay Yàlla moo soob def ka muy njiital anaam
39. Waaju yër taariix ba xool aayaatu Isaa fii zamaan  
dootu xaaraat mahdiyook Isaa “ilaa yawmal xiyaam”
40. Boo yërée “maa xaalahu seyxu suyuuti” koon nga xam  
Dootu loo defdefle feeñuk Mahdiyan Seydil anaam
41. Bopp téémээрub ñenenteel moodi feeñuk mahdiyul  
Muntasar seetal kitaabul kësfi gëm Seydil Imaam
42. Yàll miy Buur def na mbooleem li dajeeek Baay Laay mi feeñ  
fii ci Yoof nan sànta Rahmaan nun ñi gëm Seydil Imaam
43. Mahdiyu Laay dem na, Isaa dem, bu leen juum seeti leen  
Njeexitam mooy seet Manjoon ak Baabakar “ibnay Limaam
44. Baay Manjoon moo am ngënëél, moo doylu, moo muñ moodi gor  
Am na xamxam, am “diraaya” ak, mey yu réy booleek karam
45. Topp leen Yàllaak Yonnen loolooy waxam ak moytu leen  
Adinaak seytaane bânneex koon ëllëk ngeen gis Limaam
46. ak xilaafaam neex na moo tax waaju sàggan beew bu leen  
topp doylloom ngir di bañ tiisal mbindééf koon muy araam
47. Waaju xoolul sàkuwul lul adinaam teggil Manjoon  
Waaju gëm Buur Yàlla doylloo Njiin la déggóól “fil anaam”
48. Maa ngi teeral woywi tey teeral ci Seydi Baabakar  
Bun Imaam Laahi miy yaakaari waa “ahlul kiraam”
49. Gaañi gis Baay Laay ñu ngay wax na ku xoolaat Baabakar  
Gis nga Baay Laay ndéem gisowoon Mahdiyaan Seydil Imaam.
50. Moodi gééj guy mbambulaan neel ngir ci xamxam baaraka  
Laahu fiihi noo ngi ñaan Buur Laahu-dollil Mbay salaam
51. Rabbi yékkil laa ilaaha illa Laahu miy sayfu Laahi  
Rabbi saxalal Laa ilaaha illa Laahu miy sayfu Laahi  
Rabbi dollil Laa ilaaha illa Laahu miy sayfu Laahi  
Rabbi dooleel Laa ilaaha illa Laahu miy sayfu Laahi  
Rabbi daaral Laa ilaaha illa Laahu miy sayfu Laahi  
Rabbi daasal Laa ilaaha illa Laahu miy sayfu Laahi  
Yàl na dok mbooleem lu juuyook moom fi jamihil anaam
52. “Salli wa sallim alaa xayril waraa yaa xaalixii”  
Muy salaatan ànda ak saabaamya jëm “yawmal xiyaam”